



DIARIO ARUBANO

Arubaanse Courant

Diabierne 13 di december 1963

Apuntes Editorial

FUEGO ARTIFICIAL

Na Aruba lo ta asina cu desde 21 di december venidero ta permiti pa tira fuego artificial. Accionan di hopi, entre cual pastoor Erkamp, pater Van Goes, miembro di Eilandsraad Finck y nos diario, cu a worde teni pa trata pa gobierno cambia su politica tocante di esaki un poco y duna permit pa tiramento di klapchi cuminsando te dia 27, esta despues di e dianan di Pasco tabata envano. Gezaghheber kende algun dia pasa ainda a declara den raad cu e ta sinti sympatia pa e proposicion di senjor Finck, probablemente no a hanja apoyo di majoria den raad caminda senjor Eman lider di e fraccion di A.V.P. a declara na raad, en relacion cu e palabranan di senjor Finck "nos fraccion ta contra di e proposicion: na Aruba Pasco sin fuego artificial no ta un berdadero Pasco", kier mee, cu Cristo su binida na mundo no por worde fiesta sin e desorden di tiramento di klapchi.

Atrobe nos lier muestra cu e decision aki di B.C. di Aruba ta un decision tristu. Nos ta keda persisti, cu den un comunidad Cristian mester reina kietud durante e dianan di Pasco y especialemente ariba e anochi di Pasco y cu ta deber di gobierno pa percura pa esaki sosode. Berdad ta asina cu B.C. a prohibi pa tin tiramento di klapchi den becindario di e iglesianan y hospitalnan, pero tur hende na Aruba sabi cu majoria di persona no tin respect pa e prohibicion aki y cu anjanan largo polis no por haci nada contra e plaga aki, cu ta varia for di tiramento di klapchi ariba e anochi di Pasco te na tiramento di klapchi ariba of bao di autonan cu ta pasando. Y tambe nos ta keda na nos opinion cu e comercio di klapchi na Aruba lo no bai atras si e bendeamento cuminsa te dia 27. Tuma por ehemplo na Corsow caminda bendeamento di klapchi ta cuminsa te despues di e dianan di Pasco. Ayanan e restonan di papelnan di fuego artificial ta mas diki ariba e cala cu na Aruba!

Asina cu e anja aki tambe lo ta asina?

Nochi di paz. BAM!

Nochi di amor. BOEM!.

Nos ta deseabo un feliz Pasco!

FATUM - Tel: 1845
pa tur bo aseguranan

Magonan Arubano pa Bonaire

Oranjestad, 13 December.
Diasabra venidero pa 3' or lo sali for di Aruba pa Bonaire dos mago Arubiano, kendenan lo bai duna dos funcion den Teatro Caribbe na Bonaire. E dos magonan ta "Princesa Adilla", kende anteriormente como e unico mago femenino na Aruba a hanja hopi fama y cu awor despues di hopi tempo cu nos no a tende nada di dje ta bolbe ariba en senario cu numeronan completamente nobo. E otro mago cu ta bai Bonaire te Dienhundi.

EXITOSO SHOW DI AGUINALDOS

Savaneta, 13 December.

Diarazon anochi a tuma lugar den Commandeursbaai Club na Savaneta un show-fiesta di Aguinaldos, esta agrupacion cuta toca y canta canticnan di Pasco. Na e show aki a participa un gran cantidad di aguinaldos, e.o. Las Tuquesitas, Los Lirios Navideños, Los Trupialitos, Los Avilenjos y Las Palmeras. E gruponan aki a actua bao di direccion di respectivamente, Anna Lillian Kock, Denny Daal, Rina Camache, Buchi Haims y Elma Luydens.

Dado na e exito di e show, e organisadornan a dicidi di presenta e show atrobe Diabierne anochi, esta awe nochi na Noord Social Club. Segun nos a worde informa pa senjor Addison Croes, bao di kende su direccion general e show aki ta tuma lugar; Diasabra dia 21 di december lo tin un concurso entre e aguinaldonan, na unda un campeon y subcampeon lo worde eligi.

Resultado semi-finales torneo di domino

Oranjestad, 13 December.

Diarazon anochi a tuma lugar na P.O.V.A. y Douane Club e encuentronan den e semi-finales di e torneo di domino organisá pa "Sport en Sociale Vereniging Posterijen Aruba".

Den e semi-finales aki a topa otro Bestuurskantoor cu Posterijen na Douane Club, cual a worde gana door di Bestuurskantoor cu 21 pa 18 y W.E.B. cu Gezondheidsdienst na P.O.V.A. cual a worde gana door di W.E.B. cu 21 pa 12.

Ayera nochi mester a topa oro na Douane Club Bestuurskantoor y W.E.B., caminda nan a combati otro cu piedra di domino pa mira cual lo hiba e Statuutbeker cu lo worde entrega Diadomingo venidero pa 4' or na R.C.A. Club na Solito, durante un picnic dansant.

Tiramentu di klapchi prome cu Pasco

Oranjestad, 13 December.

Ayera a worde anuncia cu B.C. a dicidi pa permiti e bendeamento y tiramento di fuego artificial di dia 21 venidero padilanti, naturalmente cu e prohibicionan di custumbra.

E decision aki a worde ricibi cu sorpresa den cierto circunon como cu pues algun dia pasa ainda Gezaghheber O.S. Henriquez a haci e impresion durante di e tratamiento di e presupuesto den un reunion publico di eilandsraad, cu probablemente B.C. e anja aki lo tuma un otro politica pa esaki. Den eilandsraad aki, senjor E. Finck e lider di e fraccion di P.P.A. a pidi B.C. pa progresa un kietud durante e dianan di Pasco y en especial e anochi di Pasco door di permiti e bendeamento di klapchi etc. te cuminsando dia 27 di december, mescos cu anjanan largo ya ta custumber na Corsow. Apesar cu senjor C.A. Eman, lider di e fraccion di A.V.P. a declara cu su fraccion

lo vota contra di e proposicion aki como cu un Pasco sin klapchi na Aruba no ta un Pasco berdadero". Gezaghheber a declara di lo studia e proposicion di senjor Finck seriamente, bisando aserca cu e ta sinti sympatia pa e peticion aki.

For di fuente bon informa nos a tende, cu e opinion di Gezaghheber probablemente no a hanja apoyo serca e otro miembronan di B.C. E opinion di majoria di e miembronan di B.C. tabata, ora cu e bendedornan di klapchi a encarga fuego artificial nan a haci esaki cu e opinion cu nan ta cuminsa bende promer cu Pasco. Si awor worde dicidi pa pone e bendeamento di klapchi cuminsando te dia 27 vedidero, e ora e comerciantenan lo sufri danjo door di e falta di B.C. Segun nos vocero, no ta parse cu B.C. lo cambia su politica otro anja tampoco, segun e deseo di senjor Finck.



Na Amsterdam tambe e prome kerstboomnan a sali riba caja. Mescos cu otro anjanan nan a cuminsa cu e bendeamento di kerstboom for di dia 5 di december.

SRA. E. DEBROT A BISHITA C.C.A.

Oranjestad, 13 December.

Diarazon atardi ultimo senjora E. Debrot, esposa di Su Excelencia Gobernador di Antillas N. Debrot, a haci un bishita na e Centro Cultural na Oranjestad, Aya el a worde ricibi pa senjora L.

Wurtz un di e miembronan di C.C.A. kende a acompaña senjora Debrot door di e edificio di Centro Cultural. Tambe senjora Debrot a bishita e exposicion di cuadronan di pintornan amateur na Aruba, cual anteriormente tabata den Aruba Caribbean Hotel y cu awor ta den e sala di exposicion di Centro Cultural. Senjora Debrot a keda impresionada di e diferente talentonan cu tin ariba tereno di pinta na Aruba. Ayera anochi Gobernador Debrot y senjora Debrot a presencia e comedia Maria di Serin' Neka den e teatro na aire liber na Santa Cruz, cual ta worde presenta door di Mascaruba cu cooperacion di Vivons en Chantant (Coro mixto) y algun miembronan di Juventud Cristian.

COMPETITIE A.V.B.

Diasabra anochi pa 7.30 den WILHELMINA STADION

SAN NICOLAS JRS. vs TROPICAL

(Hoofdklasse)

Entrada: Tribuna cu dak f. 1.-- Tribuna sin dak f. 0,50

Diadomingo, 15 di dec. den Wilhelmina Stadion pa 3.30 p.m.

BUBALI vs DEPORTIVO

(A-Klasse)

Entrada general f. 0,50



AGENDA

De Veer: 8.00 p.m. "Als het jonge koren rijpt" 18 j
Rialto: 8.00 p.m. "El Avión Cohete X-15" all
Principal: 8.00 p.m. "Serheants 3" 18 j
Aurora: 8.00 p.m. "It's only money" all
Savanieta: 8.00 p.m. "The deadly companions" 18

ARUBAANSE COURANT

diariamente cu excepcion di diadomingo

subscripcion f. 3.25 pa luna edicion los 20 ct.

edita pa:

N.V. Arubaanse Drukkerij - en Uitgevers- en Publiciteits Mij.
imprimi na:

N.V. Drukkerij
„de Stad,,

Telefoon 1116 Directiva y redaccion. 2116 Anuncio y subscripcion.

Directeur hoofdredacteur:
D. Wolff.

Siman pa prohimo na San Nicolas

San Nicolas, 12 December
Durante e siman di advent, e siman cu e cristianan ta tur parti di mundo ta prepara pa recorda e binda di Cristo na mundo, e parokia di San Nicolas lo tene un siman pa prohimo. Durante e siman aki lo tin un caha grandi den iglesia Santa Theresita, den cual e parokianan por pone loke nan tin pa e menos afortunadonan di eparokia. Ariba dia 20 y 21 venidero e Katholiconan di Lago Colony lo tene un colect, porta pa porta cerca nan hendenan, cual tambe lo ta pa e parokianan na San Nicolas cu sin yudanza di otro no por tene un "feliz Pasco". E mucha muheran di diferente schoolnan na San Nicolas lo percursa pa e paknan worde parti entre esunan cu mes-ter.
Esaki ta un tradicion di e parokia di San Nicolas, cual ta worde organisa tur anja durante siman di advent.

Reina Elizabeth y su ruman Princesa Margaret di Inglaterre a bi shita e exposicion di pintura di Goya na Royal Academy na London. Aki nos ta mira e dos rumannan real drentando e edificio di exposicion.

Prestamo pa Colombia

Washington, 13 Dec. E banco Inter Americano di desarrollo a duna un prestamo di dies millon dolar pa financia mehoracionnan na haaf di Buenaventura na Colombia.

E prestamo tin un tempo di curso di 15 anja y un renta di 5 3/4 porciento.

PICNIC GRANDIOSO di
S.V. S.C.A.
na
SAN ISIDRO, BUBALI

Diadomingo 15 Dec. 1963
di 10.00 a.m. - 6.00 p.m.

Musica:
Steelband, Cah'i Orgel y Los Llaneros
Entrada: Caballeros fl. 1.50.

TA BENDE

Cama di 2 persona (cu ta cera) cu matras pa f. 50.--
Cama di dos persona cu matras 2 nachtkastjes, 1 stiel y 1 mesita f. 100.--
1 cama di 1 persona cu matras f. 50.--
4 poitra a f. 25.-- cada uno.
Mesa largo f. 55.--
Dressoir grand f. 50.--
Cashi pa boeki f. 25.--
Washmachine f. 10.--
Machin di cosé f. 175.--
FIAT 1300, lanta bieu y 20.000 km corri.

Pa inf: Acudi na Bakker, Ka zernestraat 1 (R.K. Militair Tehuis) of jama tel. 5141.



PALAIS ORIENTAL

(dilanti Banco Hulandes na Ostad)

JOYAS PA CABA-LLEROS



Bunita regalo pa bo y bo ser- nan queri.....

Mancornia, feneta di dashi, lighter, manicure-set pa homber, cigarette-case etc. Tambe pa damas nos tin un gran surtido di

JOYAS DI FANTASIA

y otro articulo pa regalo manera tas pa sali anochi etc.

Haci nos un bishita y conven- ce'bol



VERF BO CAS PA PASCU CU SAPOLIN

MAS DI 500 COLOR CLA TRAHA

.....fuera di color- nan especial cu nos por traha pa bo.....



Escohe for di nos tremendo existencia di VERF e color exacto cu bo mester. Y corda bon cu nos prijsnan ta sin competencia manera semper, ademas di e descuentu especial di tur anja!

ARUBA
HARDWARE C.V.
(Brenchi)

Mondi Kennedy na Israel

AMSTERDAM, 13 Dec. E oficina central dje Fondo Hudio Nacional na Jerusalem a dicidi pa cuminsa den tur pais e accion pa un tal mondi John F. Kennedy na Israel, pa asina lanta un monumento grandioso pa conmemora Kennedy.

PANAMA STORE

Adolf Groder - San Nicolaas

e adres na unda bo ta cumpra pa henter familia y ainda resta placa.....

Especialmente pa PASCU nos a ricibi un lote grandi di mercancia nobo. Tambe nos ta bon surti den muebles pa dre- chia bo cas pa dianan di fies- ta.

Palabra ta poco, bini un ra- tu y weita pa bo mes!

TA SOLICITA

2 damas pa traha den Laundry.

Pa inf: Acudi na Basi-Ruti, of jama tel. 2222

CAMISA

manga largu blancu y den varios color.

SPORT- SHIRTS

den tur estilo y prijs.

Tambe nos tin un gran surtido di

FLUS CU DOS CARSON

,peso pluma,

Ademas tur otro articulo pa ca- baileros.

LA LINDA

OFERTA ESPECIAL PA DECEMBER

For di 1 te cu 20 di december nos ta ofrece, di cada portret sacá den nos studio, pa:
3 POSTKAART,

UN PRINT GRANDI DI „5 x 7,, REGALO

E studio pa portret di bruid y di familia.

FOTO BONKE

FOTOGRAFO



J. KEIJZER

Nassaustra 75

Tel. 1260



tambe gran surtido di regalos precioso na prijsnan masha atrac- tivo.

ACME STORE

tei. 5381-5384



MUEBLES DANES

-Traha di madera exclusivo
-Bunita estilo
-Colonan unico
Drenta un rato, admira nan sin ningun compromiso!

Pa muebles fini bo adres ta

MESKER ARUBA N.V.

TA BENDE

Set di hamper di walnut, masha bunita, consistiendo di lits- ju- meaux, 2 nachtkastjes, mesa, 2 stoel, tualet-cu spiel di 3 parti, cashi pa panja cu 3 por- ta.

Pa inf: Remaaurstraat 4, tel. 2301.

NOBO NOBO NOBO

NASSAUSTRAT No. 34

Nos a caba di ricibi bunita Ka- tuna Satin nobo, den disenjos di mas moderno. Pa bistir di Cocktai for di Italie, tela Bro- caat. Pa un regalo pa tur hen- de y pa tur gusto cerca nos semper bo ta triunfa. Pesey haci un bon regalo, y duna un bunita tela como regalo. Y.. no lubida nos prijsnan, semper mas conviniente.



Oswald Lolli ta bandona Aruba

E conocido argentino Oswaldo Lolli den un entrevista a informa nos cu diasabra awor e ta sali pa Merc caminda e lo bai forma su residencia. Lolli a bira un figura conocí den nos mundo di futbol. For di anja 1953, cu interrupcion di algun luna entre 1957 y 1958, e ta na nos isla y durante e diez añanan aki e tabata constantemente activo den nos futbol. Lolli a yega nos isla na april 1953 y a forma parti di e equipo di Trappers di Sta. Cruz, cu e tempo ey ainda tabata competi den loke tabata e clase mas haltu di nos isla. Durante 3 luna, Lolli a entrena e muchanan di Trappers. Luego na augustus 1953 Lolli a pasa pa R.C.A. promer como entrenador y luego e siguiente anja el a forma parti di e equipo tricolor. Despues di a yuda R.C.A. obtene, di hopi di e equipo tricolor. Despues di a yuda R.C.A. obtene, di hopi blahanan, e titulo di campeon di nos isla, cu e equipo aki

Lolli a haci un gira pa Colombia caminda R.C.A. a hunga algun wega internacional. Na 1955 e argentino a bai back pa Trappers, equipo pa cual el anja ey el a forna pa di dos blaha parti di un seleccion di Aruba cu a hunga contra di Millonarios. Luego cu e temporada di 1955 a finalisa, e servicionan di Lolli a worde solicita tanto door di Aruba Jrs como door di Dakota, cu e tempo ey tabata tin como president H. Samson. Lolli a dicide pa Aruba Jrs cu na anja 1958 pa di ultimo blaha (te ainda), a obtene e titulo di campeon den hoofdklasse.

For di anja 1950 mi a sali for di mi pais natal Argentina pa bai hunga na Colombia. Di ey mi a bai Cuba luego Venezuela. Na e capital venezolano, mi a cerra conoci cu Eddy Maduro, kende a recomenda mi pa bin Aruba y ata mi aki te ainda. Lolli a sigi bisando nos "Mi ta completamente satisfecho pa e oportunidad brinda nani na Aruba. Cu tur sinceridad mi ke bisa cu mi ta sigur cu hamas lo lubida e diez añanan aki cu mi a pasa na e bunita y hospitalaria isla di Aruba. Tanto na e dirigentenan di e diferente clubnan cu cualnan mi tabata tin hopi contacto como na tur hungadornan y como na e simpatizadornan y amistadnan cu mi a forma, mi ta agradecido pa tur nan atencionnan.

Cu mi ta bai for di Aruba ta debi unicamente na ambicionnan cu mi tin di progreso den un of otro trabao cu por ofrece mas.

Lo bo sigi dedica na futbol na Merca? Tabata un di e hopi preguntanan cu nos a haci.

Sigur cu si, cuaklier oferta

aceptable cu mi hanja sea como entrenador of como hungador, lo mi acepta cu mucho gusto. Futbol ta worde hopi hunga awor na diferente ciudad di Merca y ta existi bon chens cu aya tambe mi por hanja oportunidad pa hunga. Imposibilita di talvez por tuma despedida di tur su conocinanan na Aruba, Lolli a pidi nos pa medio di e columnanan aki expresa su mihor deseonan pa tur aki na Aruba loke gustosamente nos ta haci. Lolli indudablemente a bira un figura popular den nos mundo di futbol y su gritonan pa anima e hungadornan di e clubnan pa cual e tabata participa tabata un sonido conoci pa e fanaticonan di futbol.

JONG ARUBA II CAMPEON

(Di nos Redactor Deportivo)

Obteniendo su victoria di mas grandi di e campeonato di reserve-klasse diasabra atardi, e oncena di Jong Aruba II a hunga su ultimo wega y completa su programa den un forma invicto pa bira campeon den e division aki. E wega di diasabra tabata contra di Britannia II y Jong Aruba II a gana cu e abulta score di 9 gol pa 0. Di e 11 weganan cu nan mester a hunga, nan a gana 10 y tabia uno, cual tabata contra di Estrella II den nan tercer wega di e campeonato. Esaki a caba 3-3. Contra di e siguiente clubnan Jong Aruba a obtene triunfo cu scorenan manera menciona tras di cada un di nan rivalnan: SportBoys II 5-0, S.C.A. II 3-2, Trappers II 3-2, Santa Fe II 5-1, Aruba Jrs I 4-2, Universal II 7-2, R.C.A. II 3-1, Bubiil S.C. II 8-1, La Fama II 5-0 y Britannia II 9-0. E muchanan di noord tin pues impresionante record di 55 gol na favor y 14 contra.

Na ocasion di e di 298 anja di existencia di korps mariniers, e mariniernan di Savaneta Diamars tabatin un programa especial. Encuentronan deportivo cu tripulante di "London-derry" (bapor di guerra Ingles) un "korpsmaaltijd" (potret) y anochi un fiesta special pa nan.

Regalo di NAVA pa famia Jack.

Organisacion, 13 December. Entre e miembronan di Nederlands Antilliaanse Vereniging voor Afgestudeerden, N.A.V.A., un colect a worde teni pa senjora Jack y su juinan, te denan algun luna pasa a keda sin un dak ariba nan cabez door di un incendio pisa cu a destrui e cas y loke nan tabatin aden. Pa e cas nobo di senjora Jack, cual segun ta worde spera lo ta cla promer cu Pasco un suma di Fl 560,- a worde colecta. E accion aki tabata bao di gia di srta. Thelma Glöbs.

NO WARDA TE ULTIMO DIA

Zapateria HARTOG tin un coleccion mas grandi di zapato pa damas, elegante y comodo, traha di cuero di calidad superior, na prijsnan for di 12,50 p'ariba.

Ademas un coleccion grandi di zapato Americano for di 8,50 p'ariba.

Na ningun parti aki na Aruba bo ta haya asina hopi pa escohe, y un servicio rapido manera di nos.

Pesey no warda te ultimo dia, bishita Zapateria Hartog awe mes y bo tambe lo bisa

Tur Zapatu tin su pia, pero pa tur pia

HARTOG

tin e zapatu di mas mihor.

BEKENDMAKING

DEPARTEMENT VAN ONDERWIJS

Examen: Gemeentefinanciën II.

De Inspecteur van het Onderwijs maakt hierbij bekend, dat op 7 en 8 april 1964 gelegenheid bestaat om in de Nederlandse Antillen het schriftelijk gedeelte van het examen Gemeentefinanciën II af te leggen.

Kandidaten dienen zich vóór 5 januari 1964 op een daartoe vastgelegd formulier en onder overlegging van de nodige stukken aan te melden bij de Inspecteur voornoemd.

Aangifteformulieren alsmede een exemplaar van de „Mededelingen van de Nederlandse vereniging voor Gemeentebelangen, houdende enige toelichting op vermeld examen zijn verkrijgbaar bij het Departement van Onderwijs, Johan van Wal-beeckplein, Curacao.

De Inspecteur van het Onderwijs,

SRA. FRANCISCA DONATI

tin placer di anuncia apertura di

SODA BAR "COSY CORNER"
B. v.d. Veen Zeppenfeldstraat 26.

Habri pa publico en general for di 8-9 'or anochi.

Fabor considera esaki como invitacion personal.

presenta pa cortesía di

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.

CISCO KID





Redaccion nobo di NAVA ta completo awor

Oranjestad, 13 December.

E redaccion di organo di "Nederlands Antilliaanse Vereniging voor Afgestudeerden" a worde renoba completamente, cual por a worde constata bon den e edicion di e publicacion aki di luna di December. Awor e redaccion ta consisti di senjornan Marie Hanson, reportero studia na U.C.L.A. University of California, srta. Hedges Abrahams, srta. J. Peterson, y senjornan E. Dongen, y R. Halley.

Den un introduccion e directiva di N.A.V.A. ta bisa, cu e redaccion nobo a worde forma como cu tin un necesidad grandi pa un edicion mensual cu fundamentalmente tin di sinjabo e deseonan y exhiencianan di nos comunidad hoben y vulnerable, obliga na filosofia, refleccion y echo.

Nos, miembronan di directiva, no unicamente ta considera como deber di cada persona cu a caba su estudio pa yuda na e construccion di nos bida di comunidad complica, pero tambe un privilegio pa tuma parti na e trabao di pionier aki. Con e miembronan di N.A.V.A. ta mira nan trabao y nan intencion nos por mira na diferente otro parti di e edicion.

Den e introduccion di e numero di december nos ta lesa: "Mester pone a acento, cu di nos cu

a caba nan estudio ta worde spera, cu nos ta carga responsabilidad y ta duna gla. Como lidernan den y di Antillas nos ta worde curasha pa duna nos opinion tocante di Antillas, cu pues ta nos islanan. Tambe nos tin di duna e opinionan aki como lidernan, pone un fin na e proceso systematico y cu tin como proposito sconde sabidoria tocante di kestionnan vital di nos comunidad pa nos desdientenan. Ta mas cu tempu pa nos como lidernan di awe y manjan compronde esaki y haci tempo liber pa cumpli cu e debernan esencial aki.

Pesei nos no mester tene nos opinion unicamente den nos circulo pero parti esaki tambe cu e interesadonan cu kier sigui nos. Den un otro parti di e edicion aki di N.A.V.A. nan ta splica e "idea N.A.V.A." manera cu el a resulta y manera cu e ta worde mira pa hopi. Esaki ta basa ariba un mentalidad permanente di servicio di e hobenan na su proximo y ariba TUR tereno.

Segun e articulo aki ta sigui bisa e servicio aki na proximo mester ta un deber di cada persona den nos comunidad, y seguramente e deber di esnan cu tin un educacion mas amplia den e comunidad aki. E articulo ta conseha esunan cu a caba nan estudio tambe y cu na promer lugar como yulnan di terra ta carga responsabilidad di e nivel di nos comunidad. Y pa e esaki e.o. e organo cu ta worde publica mensual door di N.A.V.A. lo worde usa.

E embahador Mericano na Hulanda, John S. Rice, a bautisa un caba na Haarlem cu e nomber di John F. Kennedylaan, en memoria di e difunto president di Merca.

Riba e portret d.r.p.d. John Rice, Dr. W.J. P. insen, comisario di la reina, burgemeester di Haarlem, Mr. O.F.P.M. Cremer.

L.A. v.d. Hans 30 anja

den servicio di Douane.

Oranjestad, 13 December.

Ayera mainta senjor L.A. v/d. Hans kende a cumpli 30 anja cu e ta den servicio di gobierno na unda e ta traha awor como commies promer klas na douane, a ricibi for di man di senjor S.D. Bruin di Asuntonan General di Douane, un carta di ministro-president E. Jonckheer den cual esaki ta muestra su aprecio y felicitacion pa e echo cu senjor v/d. Hans a cumpli su 30 anja di servicio den gobierno. E jubilario tata di dos yui hunto cu su esposa C.D. v/d. Hans De Lange lo celebra e echo aki den circulo intimo na su cas den Chilestraat.

Minister Luns na Dinamarca

Kopenhagen, 13 Dec. E minister Ulandes di exterior Luns a declara despues di un entrevista di un ora cu su colega Danes, cu casi nan a llega di acuerdo tocante posicion di Dinamarca enbista dje mercado comun. E ministernan a bisa, cu nan a papia principalmente dje situacion Europeo.

Tambe riba otro puntonan nan, por ehempel asuntonan di interes comun cerca Nacionnan Uni.



PA UN BON REGALO DI PASCU...
NATURALMENTE E MESTER TA UN REGALO
ELECTRICO!



Bishita di Tsjoe na Afrika

PARIS, 13 Dec. Dia 14 di december proximo prome minister Tsjoe en Lai di China comunista ta cuminsa su viahe door di Africa pa bishita ne capital di Egypto Cal-

ro. Despues e lo bishita Argelia, Mali, Guinea, Ghana y Somalia. Ta parse que viahe door di Africa ta intensiona pa demonstra cu China comunista no ta isola. E pais ta ehecutando un actividad politico flexible apesar dje puntonan ideologico scherpi y enemistad fuerte contra India.

TERRITORIO INSULAR DI ARUBA

Gezaghebber interino di territorio insular di Aruba ta participa cu durante e periodo di 21 di december 1963 te cu dia 2 di januari 1964 no tin mester di permit pa tiramento di fuego artificial.

Benta di fuego artificial por ser hacf solamente durante e periodo ariba mencioná. Esnan cu tin intencion di bende fuego artificial tin cu percura di haya e permit necesario na tempo. Por haya e formulario pa e tal peticionnan na e Departamento di Asuntonan General (Algemene Zaken) na Bestuurskantoor.

Entrega di fuego artificial door di bendedornan por mayor na bendedornan por detal ta ser permiti for di dia 19 di december te cu dia 31 di december 1963.

Un pidimento serio ta ser haci na publico pa no tira fuego artificial den vecindario di hospitalnan, o di iglesianan ora servicionan religioso ta aden. Pa evita candela ta pidi ultimamente cooperacion di un y tur pa no tira vuurpijlonan den e seccion pobla di San Nicolas.

CUMPLEAÑOS

Awe dia 13 di Dec. ta cumpli anja señora Zolla Tromp, felicitacion ta bini di su yui Gregoria, suegra especialmente di su nieta Miriam Rosaria Tromp y demas famia Tromp.

Awe dia 13 di Dec. ta cumpli su prome añ a e gracioso hovenelta Daria Leer, felicitacion ta bini di su querida mama Suzie, querido tata Hendrik, madrina Susana Williams, padrino Willem Peasch, welanan Sila Leer, Anna Berg, tambe di Odulio Berg, tantanan, primanan, omonan y tambe di Graciela Croes, Mundo Gonzalez, Juan Maduro y demas famia.

REP KIRBY



JAN BODEGOM & CO (Aruba) N.V.

TEL. 1284 - 1402

agente exclusivo di FRIESCHE VLAG lechi evaporado y lechi en polvo

MAXWELL HOUSE KOFFIE



Christine Keeler ta sali pa e corte di Old Bailey na Londen caminda e mester a parce dilanti huez riba acusacion di a duna declaracion falsu durante e proceso di Profumo.

DESEO PA BO AMOR

Brigitta a lanta para y a schuif un stoel pone cla pa e bishitant Americano, Clyde a cai sinta cu un sagudimento di cabes pensativo y tambe Eugenio Krusio a tuma su lugar atrobe.

Si puntra Brigitta a pone un glas riba mesa pa e bishitante y a yene. E Americano mester convence su mes cu e muher aki no ta sin mas un amor barata. E muher aki ta un personalidad.

Meneer Krusio lo duna bo awor e aclaracionnan necesario.

Clyde Perry a keda mira Krusio preguntativo, cual a keda mira destruido su dilanti y cual probablemente no tabatin gusto di hasi un confesion den presencia di un desconocido. Ma di otro banda Eugenio ta compronde naturalmentetambe cu no tin pakiko mas di tene e berdad scondi.

Permitti mi di hasi un pregunta adelanta meneer Perry....e ta cu cuminsa, mi kler a sa cual ta bo ideanan tocante Jacinta.

E pregunta aki mi por hasi masha lher, meneer. Bo casa tin confianza den mi, y den su duda e no a mira otro salida cu di pone mi na altura. Mi relacion cu senjora Krusio ta absolutamente zui-ver y ta aceptable pa cualkier investigacion.

Mi ta kere bo senjor Perry. For di bo punto di bista botin razon naturalmente, pero mi ta kere cu ainda bo no ta di tur cos na altura. Nota primeramente y principalmente e hecho, cu professor Frank Krusio, e esposo legal di Jacinta, a muri den mondinan Brazilenjo pa motibu di un morde di colebra.

Clyde Perry a lamta baitu para. Un momento, e ta interrumpi esun

cu ta papia d'iru. Mi a compronde bo bon. Bo a papia di professor Frank Krusio? Anto bo no ta Frank Krusio?

No meneer Perry. Mi ta su ruman ohochi Eugenio. Mi mester pensa prome cu un cambio di persona asina lo no por keda scondi pa hopi tempo.....

E Americano tabata asina bao di impresion, cu el, sin preocupa cu e otronan, a cohe su glas y a hasie bashi den un bebi.

Brigitta Storm a jena e glas mes ora atrobe. El a nota su sorpresa, ma el a tene su mes atras. Clyde Perry a keda pensativo y a bini un splendor contento riba su cara manera ta un noticia mas-ha feliz el a tende.

Mi ruman Frank, Eugenio ta sigui bisa a participa mi algo prome cu su morto cu e ta haci su mes preocupa con su casa ta tuma e noticia, pasobra e ta teme cu e lo sak den otro ora e compronde. Pesey el a pidimi pa bise mas ciudadosamente posibel of si ta posibel pa keda ketu mes. Mi a pensa hopi ariba con mi por a cumpli cu su deseo y e ora ey a bini den mi memoria pa haci uso di e parcemento pa hunga e rol di mi ruman mas aleu. E cambio di persona a logra y Jacinta

no a nota esaki. Toch a drenta mi e duda cu mi no por a sigi e rol aki te na ultimo. Di ningun manera mi kler a hiba cu Jacinta un bida di casamentoe normal.

Deliberasionnan Ruso-Mericano

MOSCU, 13 Dec. Najeab Halaby, hefe dje organizacion federal Mericano pa aviasion civil, a cuminsa na Moscu cu deliberasionnan tocante un comunicacion aerea Moscu-New York. Di fuente Ruso ta haci e deliberacion Jevgeni Loginov hefe dje compania Ruso di aviasion Aeroflot. Observadornan na Moscu ta considera e bishita di Halaby, y su delegacion como un muestra qu tambe presidente Johnson ta-lucha pa sigui cambia e relacionnan entre Rusia y Merca.

Deliberacion na Brussel

Bonn, 13 Dec. Segun opinion dje gobierno di Alemania Occidental nan por tene nan mes ne deliberacionnan agricola na Bruselas so. amente ne termino di 31 di december pa hanja un solucion aceptable pa preguntanan habri ainda, prome qu e tempu menciona. Gabinete di Alemania Occidental, qu a ocupa su mes qu e deliberacionnan na Bruselas, a declara qu jamas nan a tuma un desicion pa adelanta e termino di 31 di december.



Probeer nu eens BRYLCREEM



voor het uiterlijk waar zij van houdt



BRYLCREEM maakt Uw haar gezonder en geeft een beter zittende, natuurlijke vorm zonder het haar vet te maken

Gebruik BRYLCREEM, de moderne haarverzorging die de gehele dag een welverzorgd uiterlijk garandeert en Uw haar gezond en soepel houdt. BRYLCREEM verzekert succes en geeft U het mannelijk frisse uiterlijk dat zo door het vrouwelijke geslacht bewonderd wordt. Gebruik toch geen ouderwetse vette brilliantine.

Wees modern en gebruik BRYLCREEM... het is een stap in de goede richting.



BRYLCREEM

MAAKT UW HAAR GEZONDER

ANUNIA DEN
ARUBAANSE COURANT

DICK TRACY

1. "Lubida su carteral Pakiko, e mucha ta lubida su cabez, si ta - Pakiko bo no ta bai judele, B.O.?"
2. "Atele ei nan".
3. "Kiko esei tabata? E mester a hanja su cartera. Mi a tendé grita".



REY DE COPAS

\$1000

E nomber pa November tabata

"MISS ALEGRIA"

pasobra REY DE COPAS ta duna alegria!

E fortunada ganadora di e

Fls. 1000.-

ta: SRITA. VERA RUIZ di Paradera No. 87



\$1000

NOTA:

Directiva di Aruba Distilling Co. ta e unico entidad responsabel pa scogemento di e nombenan pa Miss Rey de Copas. E nomber aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento esaki ta debido na pura casualidad.

REY DE COPAS

ARUBA DISTILLING CO. Wilhelminastr. 47

PA DECEMBER MI TIN TRES NOMBER

Prome nomber

Fls. 1000.-

Segundo nomber

Fls. 1000.-

Tercer nomber

Fls. 1000.-

TOTAL

Fls. 3000.-



RON REY DE COPAS

TA REGALA PA LUNA DI DECEMBER 1963

Fls. 3000,00

PA E TRES NOMBERNAN SELECTA PA

MISS REY DE COPAS

Miss Rey de Copas ta hanja tres (3) nomber pa luna di december 1963. Miss Rey de Copas ta e popchi cu ta den show window di Aruba Distilling Co. Wilhelminastrat 47. E personanan cu duna e tres nombenan correcto ta hanja cada uno f 1000,-- di regalo. Esta pa cada nomber tin f 1000,-- di regalo. Si tin mas cu un persona cu e nomber esochi, anto e regalo ta worde reparti entre e cantidad di personanan cu tin e nomber esochi. Participa den e gigantesco concurso aki cu ta termina dia 30 di december venidero. Entrega bo formulario cu bo nombenan favorito awe mes.

REGLANAN PA PARTICIPA DEN E CONCURSO

- 1) Entrega 1 botter bashi di Ron Rey de Copas di 1/2 gallon of 4 botter bashi di Ron Rey de Copas di 3/4 liter of 8 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co. Wilhelminastrat No. 47 y bo ta hanja un formulario pa yena bo nomber y direccion y e nomber di Miss Rey de Copas.
- 2) Entrega e formulario aki yena na oficina di Aruba Distilling Co. Wilhelminastrat No. 47 y percure pa bo recibo, cu ta pegha na e mes formulario, ricibi su stempel di entrega.
- 3) Warda dia 30 di december 1963 y cobra bo placa si e nomber cu bo a duna ta e nomber favorece.
- 4) E mes persona por yena cuantun formulario cu e ta desea, con tal cu e entrega pa cada formulario e cantidad di botter bashi requerido.
- 5) Si tin mas cu un beneficiado pa cada nomber e premio ta reparti den esnan cu tin e nomber escogi.
- 6) Exigi pa bo recibo tin un stempel di Aruba Distilling Co.

SEMPER E FAVORITO

Sr. Eddy Maduro:

Desaroyo sindical na Aruba 1963 tabata yen di actividad y exito

Durante un entrevista cu nos tabatin ultimamente cu senyor Eddy Maduro, representante di Confederacion Latino Americano de Sindicatos Cristianos (CLASC) na Aruba, y presidente of secretario di diferente bond di trahadornan local, a duna nos un resumen di e desaroyo sindical di Aruba na anja 1963 en general y di e diferente bondnan en particular. Senyor Maduro ta sumamente satisfecho di e hopi personanan cu den ultimo tempo, (pafor di Lago) ta birando "syndicate-minded".

Segun informacion di senyor Maduro, 95% di e plannan di e diferente bondnan en total a worde realisa den e anja cu a pasa. E motibu pakiko e ta hanja cu e desaroyo di syndicate na Aruba ta satisfactorio den e anja cu a pasa ta como cu hopi personanan trahador a mira e necesidad pa forma bondnan ariba base di syndicalismo pa defende nan interesnan y di nan familia. "Syndicate na Aruba a coge rais y den bon direccion", segun e representante di CLASC.

U.P.A.

Di e diferente bondnan di cual e ta forma parti senyor Maduro ta hanja "Union Portuario Aruba" e bond cu den e ultimo anja a haci un progreso enorme. E ta asina orgulloso di e "jiu" aki di dje, cu e ta mustre como un ehemplo na e otro bondnan. Paplando tocante U.P.A., senyor Maduro ta sigui bisa: "Awendia U.P.A. por conta cu trahadornan di haaf capacita kendenan ta comprende no solamente loke ta nan interes pero tambe di e dunadornan di trabao y e esfuerzonan cu gobiernu ta haci pa combati desempleo, y pesel nan ta yuda pa combati e astrisco aki. U.P.A. su miembronan y especialmente e directiva a demostra di ta posee hendenan cu capacidad y buena fe. Prueba di esaki ta cu U.P.A. e anja aki a logra hanja un Combenio Colectivo di Trabao di gran bator, cual por sirbi como un ehemplo pa e otro bondnan. E representante di CLASC na Aruba tabatin especialmente palabra di elogio pa e presidente di U.P.A., senyor Juan Boekhoudt, kende el a yama un persona correcto y luchador den su trabao y syndicato. Exitonan cu U.P.A. a hanja, ta por ehemplo, awor nan tin un suma na banco for di cual nan por yuda nan hendenan den promer necesidadnan, esaki gracias na cooperacion di tur e miembronan y e bon voluntad di "Scheepvaart Vereniging Aruba", segun senyor Maduro.

Tambe U.P.A. ta asina leuw cu nan por a cumpra nan mes club e anja aki, caminda e miembronan despues di nan trabao tin un lugar pa reuni pa diverticion y recreacion.

Pa e anja venidero U.P.A. tin plan pa na cuminsamento di 1964 traha un lugar pa come, cambia panja etc. na haaf. Pa esaki ya di diferente banda cooperacion a worde duna. Otro anja e directiva ta spera di por cuminsa cu dunamento di lesnan na su miembronan pa nan desaroyo general. E lesnan aki lo worde duna den oranan di anochi door di personanan capacita. Cu cooperacion di autoridad y comerciantenan e bond di trahadornan di haaf ta spera cu na anja 1964 nan lo por establece un fondo pa nan miembronan, for di cual fondo e miembro-

otro anja ta un Combenio Colectivo di Trabao pa su miembronan. Na e momento U.E.A. cu a cuminsa principio di e anja aki cu mas o menos 50 miembro, awor ta conta cu apoyo di casi 210 miembro.

A.C.U.

E bond di mas bleuw pero toch ta e "jiu" di mas dificil pa senyor Maduro ta Arubaanse Chauffeurs Unie. E bond cu ya de mas o menos anja 1949 ta existi, ta pa tur e personanan cu ta corre auto pa nan offish, manera taxi, autonan di huur, trucknan y dumptrucknan. E bond segun e representante di CLASC tabata esun di mas duro pa organisa y pa busca un mihor medio di bida pa e miembronan, como cu nan no ta trahadornan na un empresa, pero cu nan ta donjo di nan vehiculo, cual ta e instrument di nan trabao. Apesar cu ta sumamente dificil pa logra realisa e desean di e miembronan, sin embargo algun puntonan importante a worde realisa. Entre otro e conflicto di transportamento di hero cual tabatin algun luna pasa a worde resolvi favorablemente pa tur dos partida. Tambe a logra hanja trabao pa diferente trucknan di miembronan di A.C.U. cerca Mac Namara. E chauffeurnan di e autonan di huur a hanja e tournan di diferente firma grandi na Aruba. E deseo di senyor Maduro ta cu otro anja lo reina mas comprendemento y union den e bond y cu e firmanan grandi, huntu cu A.C.U. por sigui desaroya favorablemente na bienestar di su miembronan y personanan envolvi.

O.C.T.A.

"Organisacion Cristian di Trahadornan Arubano

lo bai mira esun di mas grandi na Aruba", esaki segun senyor Eddy Maduro, kende como representante di CLASC na Aruba, den e anja cu ta pasando a haci un enorme trabao pa organisa e trahadornan di Aruba, pafor di Lago. Segun el a informa nos, O.C.T.A. cual ta e bond major pa tur persona cu ta traha na oficina, banco, tiendanan di tur clasa, industria y na cas di otro hende, como sirviente etc., no por a cuminsa cu su actividadnan ainda como cu e statutonnan no a worde aproba oficialmente ainda. Pero esaki por sosode masha pronto. Ya O.C.T.A. a ricibi un informacion di ministro di Justicia cu a laga sabi cu no tin nada contra di e statutonnan y cu nan a worde manda pa imprimi. Senyor Maduro kier a haci un suplica na tur dunado di trabao, for di esun di mas chiquito te na esun di mas grandi pa duna nan cooperacion na O.C.T.A. cu lo no laga di duna cooperacion di su banda na ningun momento. E bond aki lo ta e bond major di tur e otro bondnan na Aruba. Mientras cu algun luna pasa O.C.T.A. a worde estableci

cu mas o menos 25 miembro, ya tin 200 persona, di oficina, banco, tiendanan y industria cu a mira cu den un bond nan ta logra defende nan interesnan mucho mihor y cu resultado favorable.

Pa termina e entrevista senyor Maduro a declara di ta contento cu otro bondnan ta mira y ta comprende cu un desaroyo completo di Aruba ta necesario, no unicamente di industria y economia, pero en particular di e trahadornan, referiendo na esaki el a menta e entrevista cu nos tabatin cu e comerciante Morris Serphos tocante di e habrimento di e fabricanan di industria na Barcadera, den cual entrevista senyor Serphos a muestra cu e obreronan mester mas educacion. Esaki segun senyor Maduro, por worde logra den bondnan, cual no ta pa bringa e dunadornan di trabao, pero cu ta pa e desaroyo general di e isla y pa produccion, pero na forma democratico, eficaz y honrado.

Un di e plannan di mas grandi cu e representante di CLASC, senyor Maduro tin personalmente, ta pa trece un union mas grandi entre e diferente bondnan. E ta spera di logra esaki door di tene reunionnan regularmente entre e presidentenan y secretarionan di tur e bondnan na Aruba.



pa cortesla di:

Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.



presenta pa cortesla di: **REFRESQUERIA INGRID** TEL. 1849

* e mehor adres pa snacks, tur clase di dushi, softdrinks, ice-cream y revistas

NOS CARTANAN PA SANTA CLAUS



Apreciable Santa Claus

DESPUES DI mi salud na SAANTA Claus mi spera cu e carta aki ta encontra Santa Claus bon di salud. Cu alegria mi ta lesa nos Arubaanse Courant stima cunos por a haya un chens pa scirbi Santa Claus. Mi ta gradici nos Courant stima cu nos por scirbi Santa Claus na Noordpool y sperando su regalonan. Mi deseo di mas grandi ta cu Santa Claus por mand mi un servies of kleurkrijt cu su bordje tambe ta bon. Mi tin hopi rumanan. Nos ta 12 na cas. Mi ta den 3de klas. Na Santa Anna College na Noord. Juffrouw Dominica ta haci school pa mi. Mi ta gradici Santa Claus pa tur cos. Mi ta spera cu Santa Claus ta contento cu mi carta y spera cu lo mi scirbi Santa Claus otro anja atrobe. Hopi cumindamento di bo

Sbra.
Fransisca Jacinta
Maria Tromp
Rooi Santo No 20
Noord.



For di diahuebs cu nos a anuncia cu Arubaanse Courant a worde proclama como un station intermedario pa Santa Claus pa mandamento di post pa kerstman, nos a hanja e prome cartanan aden. Esaki ta esnan cu nos a druk akinan. Apesar cu tabata permiti, e muchanan cu a manda carta no a manda nan potret huntu. Di tur manera nos a manda e cartanan directamente pa e kerstman cu ta biba na Noordpool. Y awor e muchanan mester carga poco poco e speranza cu e kerstman lo corda riba nan.

8-11-63

Oranjestad. Pa Santa Claus

Morro, bon dia, bon nochi Santa Claus, pasombra mi no sabi ki ora e cartata jega den Santa Claus su man.

Mi ta inicia mi carta cu un cordial saludo pa Santa Claus i pa su representante aki na Aruba.

Mi a lesa den Arubaanse Courant cu e anja aki Santa Claus ta parti regalo, i mi ta mashar anhela na un recuerdo di Santa Claus.

Mi ta spera cu Santa Claus lo cumpli cu mi deseo i manda mi un regalo cu mi lo aprecia mashar, i cu nunca lo sali foi di mi memoria.

MI Deseo ta pa mi hanja un bala pa mi hanja hunga. Awor mi ta bai termina, deseando Santa Claus tur loke ta bon i danki di antemano.

Ajooo Santa Claus, no lubida ariba mi.

Saludos. Mi number ta
Juan Jansen
Paradera No. 40
Aruba N.A.

Mi bon Santa Claus

Ki contento mi ta ora mi a leza cu nos por scirbi Santa Claus pa medio di nos duchi arubaanse Courant. Tur anja nos ta spera Sant Santa Claus sabi cu nos hopi na cas. Nos tambe tin smaak di hunga mesocos cu muchananta hunga. Pesey mi ta pidi Santa Claus mandami un scopet di biento (un hagel scopet) pa mi. Mi ta pidi pa mi otro rumanan tambe. Nos ta 7 ruman homber y 7 mucha muher. Nos no ta grandi. Ami tin 13 anja. Nos ta nuebe na school. Santa Claus corda mi otro ruman hombernan tambe kier faha cu revolver. Mi tambe kier unu pa nos hunga. Y mi sinta pafor di porta waak ki ora lo mi deseo ta cumpli. Y mi ta prepara un saco di jerba pa e cabai. Di antemano milles gracias.

Louis Figaroa.
Noord Montagne No. 4



SANTA CLAUS

Mi saludo na Santa Claus. Ami ta bon. Mi ta contento di por a scirbi Santa Claus pa medio di nos Courant gusta. Cu contento mi ta dedica Santa Claus un versje cu mi a saca: Qui contento mi ta ora mi lesa di Santa Claus i nos dushi Arubaanse Courant cu a pone un blachi jen. Di nos bon Santa Claus. Qui contento mi ta pa mi scirbi mi lista di mi deseo na mi dushi Santa Claus.

Mi ta spera cu Santa Claus ta contento cu mi versje. Y mi ta desea ta un bala of popchi tambe ta bon. Ami ta den 1ste klas di Santa Anna College. Zuster William ta haci school pa mi. Masha, masha danki Santa Claus. Y cumindamento di Su sbdr.

Maria Lidwina
Irene Tromp
Rooi Santo No. 20.
Noord.

Si e muchanan di nos abonadonan tin deseonan especial cu nan kier laga kerstman sabi, nan por manda nan cartanan pa Arubaanse Courant. Esaki lo manda e carta door na Noordpool. Si nan ta basta bunita, nan lo worde publica huntu cu un potret chiquito di esun cu a mandé, den corant.

